

„Službene novine Kantona Sarajevo“, broj 05/06

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), Gradsko vijeće Grada Sarajeva, na sjednici održanoj 31. januara 2006. godine donosi

ODLUKU

O USLOVIMA I POSTUPKU PRIHVATANJA POKROVITELJSTVA GRADA SARAJEVA

Član 1.

Ovom odlukom uređuju se uslovi, postupak i način prihvatanja pokroviteljstva Grada Sarajeva (u daljnjem tekstu: Pokroviteljstvo), nad društvenim, naučnim, kulturnim, sportskim ili drugim manifestacijama, priredbama i skupovima od značaja za grad Sarajevo, kao oblika promovisanja njegovih interesa.

Član 2.

Grad Sarajevo može prihvatiti počasno Pokroviteljstvo, kao i Pokroviteljstvo finansijske prirode.

Gradonačelnik Grada Sarajeva donosi odluke o prihvatanju počasnog Pokroviteljstva.

Gradonačelnik Grada Sarajeva donosi odluke o prihvatanju Pokroviteljstva uz finansijske obaveze Grada Sarajeva do 25.000,00 KM.

Gradsko vijeće Grada Sarajeva donosi odluke o prihvatanju Pokroviteljstva uz finansijske obaveze Grada Sarajeva u iznosima većim od 25.000,00 KM.

Član 3.

Prijedlog, odnosno inicijativu za prihvatanje Pokroviteljstva iz člana 2. ove odluke, mogu podnijeti pravna i fizička lica - organizatori društvenih, naučnih, kulturnih, sportskih ili drugih manifestacija, priredbi i skupova, koje su od značaja za Grad Sarajevo.

Prijedlog, odnosno inicijativa, iz stava 1. ovog člana, dostavlja se gradonačelniku Grada Sarajeva, putem nadležne službe Gradske uprave Grada Sarajeva (u daljnjem tekstu: Služba), u pisanoj formi, sa svim potrebnim podacima o podnosiocu prijedloga, odnosno inicijative, te podacima o događaju (priredbi, manifestaciji) za koju se podnosi prijedlog, odnosno inicijativa, uz kompletnu dokumentaciju, sa obrazloženjem kojim se potkrepljuje zahtjev za prihvatanje Pokroviteljstva.

Član 4.

Podneseni prijedlog, odnosno inicijativu, iz člana 3. ove odluke, Služba procjenjuje sa stanovišta značaja za Grad Sarajevo, odnosno sa stanovišta promovisanja njegovih interesa, a u skladu sa Pravilnikom o kriterijima za prihvatanje Pokroviteljstva iz člana 1. Odluke (u daljnjem tekstu: Pravilnik), koji donosi gradonačelnik Grada Sarajeva.

Prijedlog, odnosno inicijativu, sa svojim stavovima i mišljenjima, Služba upućuje gradonačelniku Grada Sarajeva, na razmatranje i konačno odlučivanje, u slučajevima propisanim u članu 2. stav 3. ove odluke.

U slučajevima propisanim u članu 2. stav 4., ove odluke, prijedlog, odnosno inicijativu, gradonačelnik Grada Sarajeva, kao predlagač, dostavlja Gradskom vijeću Grada Sarajeva, na razmatranje i konačno odlučivanje.

Član 5.

O konačnoj odluci Gradskog vijeća, odnosno gradonačelnika. Služba obavještava podnosioca prijedloga, odnosno inicijative.

Član 6.

O realizaciji odluka, iz člana 2. ove odluke, brine gradonačelnik Grada Sarajeva, putem nadležnih službi Gradske uprave Grada Sarajeva i o tome redovno izvještava Gradsko vijeće Grada Sarajeva.

Sredstva za realizaciju Pokroviteljstva finansijske prirode, obezbjeđuju se u Budžetu Grada Sarajeva.

Član 7.

Gradonačelnik Grada Sarajeva dužan je, u roku od 30 dana od dana stupanja na snagu ove odluke, donijeti Pravilnik iz člana 4. stav 1. Odluke.

Član 8.

Izmjene i dopune Odluke vrše se na način i po postupku za njeno donošenje.

Član 9.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-271/06
31. januara 2006. godine
Sarajevo

Predsjedavajući
Gradskog vijeća
Marin Ivanišević, s. r.

GRAD SARAJEVO

Gradonačelnik

Na osnovu člana 76. stav 1. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 7. Odluke o uslovima i postupku prihvatanja Pokroviteljstva Grada Sarajeva ("Službene novine Kantona Sarajevo", broj 14/06), gradonačelnik Grada Sarajeva donosi

PRAVILNIK
O KRITERIJIMA ZA PRIHVATANJE
POKROVITELJSTVA GRADA SARAJEVA

Član 1.

Ovim Pravilnikom utvrđuju se kriteriji za prihvatanje Pokroviteljstva Grada Sarajeva i to: počasnog Pokroviteljstva i Pokroviteljstva finansijske prirode Grada Sarajeva, nad društvenim, naučnim, kulturnim, sportskim ili drugim manifestacijama, priredbama i skupovima od značaja za Grad Sarajevo.

Član 2.

Zahtjev, odnosno inicijativa za prihvatanje Pokroviteljstva Grada Sarajeva, dostavljena, od strane fizičkih i pravnih lica-organizatora manifestacija iz člana 1. ovog Pravilnika, u skladu sa odredbama Odluke o uslovima i postupku prihvatanja Pokroviteljstva Grada Sarajeva, procjenjuje se sa stanovišta značaja za Grad Sarajevo, odnosno sa stanovišta promovisanja njegovih interesa, na osnovu općih i posebnih kriterija.

Član 3.

Opći kriteriji su:

- 1) Izvod Rješenja o upisu u registar nadležnog suda, registar nadležnog državnog, federalnog, kantonalnog ili drugog nadležnog organa;
- 2) identifikacioni broj za pravno lice i broj transakcijskog računa u poslovnoj banci;
- 3) matični broj za fizička lica i broj računa u poslovnoj banci;
- 4) obezbijedeni tehnički uslovi za realizaciju planirane aktivnosti;
- 5) obezbijedeni ljudski i materijalni resursi neophodni za realizaciju planiranih aktivnosti;
- 6) dostavljen finansijski izvještaj za prethodnu godinu, ako su korištena sredstva iz Budžeta Grada Sarajeva;
- 7) dostavljen plan aktivnosti sa naznačenom konstrukcijom finansiranja.

Član 4.

Posebni kriteriji su:

- 1) značaj programa - projekta za Grad Sarajevo međuopćinsku ili međugradsku saradnju;
- 2) stupanj doprinosa afirmaciji Grada Sarajeva i BiH;
- 3) interes građana grada Sarajeva;
- 4) programi - projekti koji doprinose jačanju tolerancije i razvoju demokratskog društva;
- 5) afirmacija bosanskohercegovačkog identiteta i tradicionalnih bosanskohercegovačkih vrijednosti;
- 6) značaj ponuđenog programa koji se odnosi na organizovanje stručnih i naučnih skupova;
- 7) mogućnost uključivanja u internacionalne programe kojima je cilj afirmacija Grada Sarajeva, kao regionalnog, kulturnog i privrednog centra.

Član 5.

Zahtjev, odnosno inicijativa za prihvatanje Pokroviteljstva Grada Sarajeva, dostavlja se gradonačelniku Grada Sarajeva, u skladu sa članom 3. Odluke o uslovima i postupku prihvatanja pokroviteljstva Grada Sarajeva.

Član 6.

Podneseni zahtjev, odnosno inicijativu, nadležna Služba procjenjuje sa stanovišta značaja za Grad Sarajevo, odnosno sa stanovišta promovisanja njegovih interesa, u skladu sa općim i posebnim kriterijima utvrđenim ovim Pravilnikom i svoje mišljenje sa prijedlogom dostavlja gradonačelniku Grada Sarajeva.

Član 7.

Gradonačelnik Grada Sarajeva razmatra prijedlog nadležne Službe i donosi Odluku. Podnosiocu čiji zahtjev bude odbijen, nadležna Služba je dužna dostaviti obavijest u roku od 8 dana od dana razmatranja prijedloga.

Član 8.

Korisnici sredstava dužni su dostaviti izvještaj o namjenom utrošku sredstava doznačenih iz Budžeta Grada Sarajeva u roku od 15 dana od dana realizacije manifestacije/projekta sa odgovarajućom dokumentacijom.

Član 9.

Nadzor nad utroškom finansijskih sredstava vrši gradonačelnik Grada Sarajeva putem nadležne Službe Gradske Uprave Grada Sarajeva.

Član 10.

Izmjene i dopune Pravilnika vrše se na način i po postupku za njegovo donošenje.

Član 11.

Donošenjem ovog Pravilnika prestaje da važi Pravilnik o kriterijima za prihvatanje Pokroviteljstva Grada Sarajeva ("Službene novine Kantona Sarajevo", broj 30/13), kao i Pravilnik o izmjeni Pravilnika o kriterijima za prihvatanje Pokroviteljstva Grada Sarajeva ("Službene novine Kantona Sarajevo", broj 22/16).

Član 12.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-4021/17
27. jula 2017. godine
Sarajevo

Gradonačelnik
Grada Sarajeva
Mr. Abdulah Skaka, s. r.

Na osnovi člana 76. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 14. Odluke o organizaciji i djelokrugu organa uprave Grada Sarajeva ("Službene novine Kantona Sarajevo", broj 27/17), gradonačelnik Grada Sarajeva donosi

RJEŠENJE

O FORMIRANJU SAVJETA GRADONAČELNIKA
GRADA SARAJEVA ZA URBANIZAM, EKOLOGIJU I
ESTETSKO UREĐENJE GRADA

I

Formira se Savjet gradonačelnika Grada Sarajeva za urbanizam, ekologiju i estetsko uređenje grada (u daljem tekstu: Savjet), u sastavu:

1. Jasmin Bučo, dipl. ing. građ.
2. Mevludin Zečević, dipl. ing. arh.
3. Mufid Garibija, dipl. ing. arh.
4. Sead Gološ, dipl. ing. arh.
5. Ognjenka Finci, dipl. ing. arh.
6. Vedad Kasumagić, dipl. ing. arh.
7. Pavle Krstić, dipl. ing. arh.
8. Adnan Pašić, dipl. ing. arh.
9. Amir Vuk, dipl. ing. arh.